

ԱՐՁԱՆԱԳՐՈՒԹՅՈՒՆ N 2/2.10-24

ՀՀ էկոնոմիկայի նախարարության զբոսաշրջության կոմիտեի նախագահի 2023 թվականի դեկտեմբերի 6-ի N22-Ա հրամանով ստեղծված մրցութային հանձնաժողովի նիստի

2024թ. հունվարի 22-ին տեղի ունեցավ Հայաստանի Հանրապետության էկոնոմիկայի նախարարի 2023 թվականի դեկտեմբերի 1-ի N2433-Ա հրամանի 1-ին կետի 2-րդ ենթակետով հաստատված 2024 թվականի «Աջակցություն զբոսաշրջության զարգացմանը» ծրագրի (այսուհետ՝ Ծրագիր) հավելված N2-ի 2.10 կետով նախատեսված «Տեքստային բովանդակության ստեղծում» միջոցառման իրականացումն ապահովելու նպատակով ՀՀ էկոնոմիկայի նախարարության զբոսաշրջության կոմիտեի նախագահի 2023 թվականի դեկտեմբերի 6-ի N22-Ա հրամանով ստեղծված մրցութային հանձնաժողովի (այսուհետ՝ Հանձնաժողով) նիստը:

Նիստին մասնակցում էին՝

- Ս.Հակոբյան - ՀՀ էկոնոմիկայի նախարարության զբոսաշրջության կոմիտեի նախագահի առաջին տեղակալ՝ Հանձնաժողովի նախագահ
- Ս.Ասլիզադյան - ՀՀ էկոնոմիկայի նախարարության զբոսաշրջության կոմիտեի զբոսաշրջության քաղաքականության վարչության պետի տեղակալ
- Ս.Հովհաննիսյան - ՀՀ էկոնոմիկայի նախարարության զբոսաշրջության կոմիտեի միջազգային համագործակցության վարչության պետ
- Հ.Սահակյան - ՀՀ էկոնոմիկայի նախարարության զբոսաշրջության կոմիտեի մարքեթինգի և խթանման վարչության խորհրդական
- Լ.Աշոտյան - ՀՀ էկոնոմիկայի նախարարության զբոսաշրջության կոմիտեի նախագահի օգնական
- Մ.Հակոբյան - ՀՀ էկոնոմիկայի նախարարության զբոսաշրջության կոմիտեի նախագահի օգնական
- Շ.Հովսեփյան - ՀՀ էկոնոմիկայի նախարարության զբոսաշրջության կոմիտեի զբոսաշրջության քաղաքականության վարչության գլխավոր մասնագետ, Հանձնաժողովի քարտուղար

Քվորումն ապահովված է:

Լսեցին՝

Հանձնաժողովի նիստի օրակարգի մասին:

Որոշեցին՝

Հաստատել Հանձնաժողովի նիստի օրակարգը.

- մրցույթի արդյունքների ամփոփում:

Լսեցին

Հանձնաժողովի քարտուղարը տեղեկացրեց, որ «Աջակցություն զբոսաշրջության զարգացմանը» 2024 թվականի ծրագրի շրջանակներում հայտարարված կազմակերպությունների ընտրության մրցույթի գործընթացը իրականացվել է armeps.am համակարգի միջոցով:

Նշվեց, որ

1. Armeps.am համակարգի միջոցով Ծրագրի հավելված 2-ի 2.10 կետով նախատեսված «Տեքստային բովանդակության ստեղծում» միջոցառման իրականացման նպատակով ներկայացվել է 2 (երկու) հայտ՝

- «Անտարես» ՍՊԸ-ի,
- «Էմ Էլ Էլ Վի մենեջմենթ գրուպ» ՍՊԸ-ի կողմից:

2. Armeps.am համակարգի միջոցով հանձնաժողովի անդամների գնահատման արդյունքում Ծրագրի հավելված 2-ի 2.10 կետով նախատեսված «Տեքստային բովանդակության ստեղծում» միջոցառման իրականացման նպատակով ներկայացված թվով 1 (մեկ) կազմակերպության՝

- «Անտարես» ՍՊԸ-ի

կողմից ներկայացված հայտը չի համապատասխանում մրցույթի հրավերի 2.4. կետի պահանջներին:
Մասնավորապես՝

ներկայացված հայտի տեխնիկական չափորոշիչներ բաժնում բացակայում է Ծրագրի նախատեսվող իրականացվելիք գործողությունների ժամանակացույցը, ինչպես նաև ծրագրում ներգրավվող մասնագետների ցանկը և ինքնակենսագրականները ստորագրված և կնքված չեն:

Մեկի՝

• «Էմ Էլ Էլ Վի մենեջմենթ գրուպ» ՍՊԸ-ի կողմից ներկայացված հայտը համապատասխանում է մրցույթի համար սահմանված չափորոշիչներին:

**Կայացավ քննարկում, որի արդյունքում
Հանձնաժողովը միաձայն որոշեց՝**

1. **Մերժել** հրավերի պահանջներին չհամապատասխանող փաստաթղթեր ներկայացրած թվով 1 (մեկ) կազմակերպության՝

- «Անտարես» ՍՊԸ-ի

կողմից ներկայացված հայտը:

2. **Հաղթող ճանաչել** Ծրագրի հավելված 2-ի 2.10 կետով նախատեսված «Տեքստային բովանդակության ստեղծում» միջոցառման իրականացման համար հայտարարված մրցույթի հրավերով սահմանված չափորոշիչներին համապատասխանող 1 (մեկ) կազմակերպություն՝ «Էմ Էլ Էլ Վի մենեջմենթ գրուպ» ՍՊԸ-ն:

3. **Կնքել** համապատասխան դրամաշնորհի պայմանագիր Ծրագրի հավելված 2-ի 2.10 կետով նախատեսված «Տեքստային բովանդակության ստեղծում» միջոցառման իրականացման համար՝

- «Էմ Էլ Էլ Վի մենեջմենթ գրուպ» սահմանափակ պատասխանատվությամբ ընկերության հետ՝

16.386.000 (տասնվեց միլիոն երեք հարյուր ութսունվեց հազար) ՀՀ դրամ գումարի չափով:

3. Հանձնաժողովի որոշումը ներկայացնել զբոսաշրջության կոմիտեի նախագահի հաստատմանը:


Ս.Հակոբյան
(հանձնաժողովի նախագահ)

-



Ս.Ասլիզադյան

-



Ս.Հովհաննիսյան

-



Հ.Սահակյան

-



Լ.Աշոտյան

-



Մ.Հակոբյան

-



Շ.Հովսեփյան

-

